

NERE MENDIYAK.



Jaunak emanik dauzka
Euskaldun erriyak,
Lerden jaikitzen diran
Mendi goyantiyak:
Indartzen dituela
Barrendik burniyak,
Mendi oriyek dira
Umanten mendiyak.

Benaz maite zaituztet
¡O mendi santuak!
Seaska ta obitzat
Gureztat sortuak:
Zuentzako ditut nik
Ditudan kantuak,
Zuek ikusirikan
Barrenen jayuak.

Mendi goiyak dirade
Zeruronz jaikitzen,
Euskal-lurra dutela
Maitaro gordetzen:
Lañoaz gañetikan
Zaizkigu agertzen,
Biotza berengana
Gozoro jasotzen,

Zuen artean jayo
Geraden jendeak,
Zuengana nai degu
Joan, mendi maiteak:
Guretzako zaudete
Doaiyez beteak,
Poza ematen digu
Zuek ikusteak.

Euskara entzuten da
Zuen inguruan,
Euskara baita zuen
Azpiko chokuan:
Oyarzunak esnatzen
Euskara-soñuan,
Zuek elkar-mintzatzen
Euskara gozuan.

¡Mendi nereak! zutik
Zaudeten artean,
Euskara ez da galduko
Aitorren lurrian:
Eta egun obeak
Lur au alaitzean,
Zorionez biziko
Gera mendipean.

KARMELO ECHEGARAY-KOAK.

